



Сейсенбі, 10-шілде, 2012 ж.

**Есеп 1.**  $ABC$  үшбұрышы берілген.  $J$  нүктесі  $A$  төбесіне сәйкес сырттай-іштей сызылған шеңбердің центрі. Осы сырттай-іштей сызылған шеңбер  $BC$  кесіндісін  $M$  нүктесінде, ал  $AB$  және  $AC$  түзулерін сәйкесінше  $K$  және  $L$  нүктелерінде жанайды.  $LM$  және  $BJ$  түзулері  $F$  нүктесінде, ал  $KM$  және  $CJ$  түзулері  $G$  нүктесінде қиылысады.  $S$  –  $AF$  және  $BC$  түзулерінің, ал  $T$  –  $AG$  және  $BC$  түзулерінің қиылысу нүктелері болсын.

$M$  нүктесі  $ST$  кесіндісінің ортасы болатынын дәлелдеңдер.

( $ABC$  үшбұрышының  $A$  төбесіне сәйкес сырттай-іштей сызылған шеңбер деп  $BC$  қабырғасын және  $AB$  және  $AC$  қабырғаларының созындыларын жанайтын шеңберді атаймыз.)

**Есеп 2.**  $n \geq 3$  бүтін саны және  $a_2 a_3 \cdots a_n = 1$  болатын  $a_2, a_3, \dots, a_n$  оң нақты сандары берілген. Теңсіздікті дәлелдеңдер

$$(1 + a_2)^2 (1 + a_3)^3 \cdots (1 + a_n)^n > n^n.$$

**Есеп 3.**  $A$  және  $B$  ойыншылары *Өтірікті анықта* деген ойын ойнайды. Бұл ойынның ережесі  $k$  және  $n$  оң бүтін сандарына байланысты және бұл сандар екі ойыншыға да белгілі.

Ойын басында  $A$  ойыншы  $x$  және  $N$  сандарын  $1 \leq x \leq N$  болатындай таңдап алады.  $A$  ойыншысы  $x$  санын құпияда сақтап, ал  $N$  санын  $B$  ойыншыға шын айтады. Осыдан кейін  $B$  ойыншы  $A$  ойыншыға сұрақтар қойып  $x$  саны туралы мәлімет алуға тырысады. Сұрақтардың түрлері осындай: әрбір сұрақта  $B$  ойыншы өз қалауынша натурал сандардан тұратын  $S$  жиынын таңдап (бұл жиын алғашқы сұрақтардың бірінде кездесуі мүмкін),  $x$  саны осы жиынға тиісті ме екенін  $A$  ойыншыдан сұрайды. Ойыншы  $B$  қанша сұрақ қойғысы келсе, сонша сұрақ қоя алады.  $B$  ойыншының әр сұрағына  $A$  ойыншы *иә* немесе *жоқ* деп бірден жауап беруге тиіс, бірақ қанша рет болса да өтірік жауап беруіне болады; тек қана бір шектеу бар: кез келген  $k+1$  қатар келетін жауаптардың ішінде кемінде бір шын жауап болуы тиіс.

$B$  өзі қажет деп санаған сұрақтар қойғаннан кейін элементтер саны  $n$ -нен көп емес натурал сандардан тұратын  $X$  жиынын көрсетуі тиіс. Егер  $x$  тиісті  $X$  болса, онда ойыншы  $B$  жеңеді; басқа жағдайда  $B$  жеңіледі. Дәлелдеңдер:

1. Егер  $n \geq 2^k$  болса, онда  $B$  ойыншының жеңіс стратегиясы бар.
2. Кез келген жеткілікті үлкен  $k$  саны үшін,  $B$ -ның жеңіс стратегиясы жоқ болатындай  $n \geq 1.99^k$  бүтін саны табылады.



53<sup>rd</sup> International Mathematical Olympiad  
MAR DEL PLATA - ARGENTINA

Language: **Kazakh**

Day: **2**

*Сәрсенбі, 11-шілде, 2012 ж.*

**Есеп 4.**  $a + b + c = 0$  шартын қанағаттандыратын кез келген бүтін  $a, b, c$  сандары үшін

$$f(a)^2 + f(b)^2 + f(c)^2 = 2f(a)f(b) + 2f(b)f(c) + 2f(c)f(a)$$

теңдігі орындалатын барлық  $f: \mathbb{Z} \rightarrow \mathbb{Z}$  функцияларын анықтаңдар.  
(Мұндағы  $\mathbb{Z}$  – бүтін сандар жиыны.)

**Есеп 5.**  $\angle BCA = 90^\circ$  болатын  $ABC$  үшбұрышы берілген,  $D$  нүктесі  $C$  төбесінен түсірілген биіктіктің табаны.  $CD$  кесіндісінің ішінен  $X$  нүктесі алынған.  $BK = BC$  болатындай  $AX$  кесіндісінен  $K$  нүктесі алынған. Дәл осылай,  $AL = AC$  болатындай  $BX$  кесіндісінен  $L$  нүктесі алынған.  $M$  –  $AL$  және  $BK$  кесінділерінің қиылысу нүктесі.

$MK = ML$  екенін дәлелдеңдер.

**Есеп 6.**

$$\frac{1}{2^{a_1}} + \frac{1}{2^{a_2}} + \dots + \frac{1}{2^{a_n}} = \frac{1}{3^{a_1}} + \frac{2}{3^{a_2}} + \dots + \frac{n}{3^{a_n}} = 1$$

орындалатын  $a_1, a_2, \dots, a_n$  теріс емес бүтін сандар табылатындай барлық натурал  $n$  сандарын анықтаңдар.

*Language: Kazakh*

*Жұмыс уақыты: 4 сағат 30 минут  
Әрбір есеп 7 ұпайға бағаланады*